

BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM  
Radna komisija o pitanjima  
finansija i budžeta  
Broj: 01/5- 73/99  
Sarajevo, 07.06. 1999. god.

## Z A P I S N I K

### **3. sjednice Radne komisije o pitanjima finansija i budžeta Predstavničkog doma Parlamentarne skupštine Bosne i Hercegovine, održane 7. juna 1999.**

Na osnovu člana 5.tačka 8. Privremenog poslovnika Predstavničkog doma i Doma naroda zakazana je zajednička sjednica Radnih komisija o pitanjima finansija i budžeta oba Doma. Radi nedostatka kvoruma iz Komisije Doma naroda na koju su se odazvali Ismet Šarčević i Dževad Mlaćo nije se mogla održati zajednička sjednica.

Sjednica je počela sa radom u 13 sati.

Sjednici su prisustvovali: Nikola Špirić, Vito Rakić, Nadžad Branković, Suada Muminagić, Mustafa Pamuk i Ivo Divković

Odsustvo su opravdali članovi Komisije: Edhem Bičakčić, Milanka Bošnjak, Pero Skopljak i Neven Tomić.

Sjednici je prisustvovao Sead Hodžić ispred predlagača zakona - Vijeća ministara Bosne i Hercegovine.

Sjednici je prisustvovala Emira Češljarić, sekretar Komisije.

Za sjednicu je predložen i usvojen sljedeći

## D N E V N I R E D

### **1. Prijedlog zakona o administrativnim taksama Bosne i Hercegovine.**

Komisija je razmotrila Prijedlog zakona o administrativnim taksama Bosne i Hercegovine i amandmane poslanika Nikole Špirića, Suade Muminagić i Alme Čolo.

U raspravi su učestvovali svi prisutni članovi Komisije.

Većina članova je mišljenja da je za donošenje ovog zakona ustavni osnov sadržan u članu III tačka 1. e) Ustava Bosne i Hercegovine prema kome u nadležnost institucija Bosne i Hercegovine spada i finansiranje institucija i plaćanje međunarodnih obaveza Bosne i Hercegovine.

Svoje mišljenje je izdvojio Nikola Špirić i predložio da se na sjednici Predstavnički dom izjasni o njegovom Amandmanu.

Suada Muminagić, sugerisala je da se osim taksu iznađe i drugi izvor prihoda kojim bi se omogućilo pritanje sredstava u Budžet Bosne i Hercegovine.

Vito Rakić, je mišljenja da bi naziv Zakona mogao glasiti: "Zakon o administrativnim taksama pred institucijama Bosne i Hercegovine".

Komisija je ocijenila da su stvoreni uslovi za proceduru raspravljanja i donošenja Zakona o administrativnim taksama Bosne i Hercegovine.

Zaključeno je da se Vijeće ministara na sjednici izjasni o podnesenim amandmanima poslanička na prijedlog Zakona, te se predlaže Predstavničkom domu da usvoji Zakon.

Za izvjestioca na sjednici Predstavničkog doma određuje se Nikola Špirić, predsjedavajući Komisije.

Sjednica je završila sa radom u 14,00 sati.

SEKRETAR  
Emira Češljarić, s.r.

PREDSJEDAVAJUĆI  
Nikola Špirić, s.r.